



Broj:11-02-38-9314-1/16  
Sarajevo, 21.03.2016. godine

Na osnovu člana 6. Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, broj 59/07) i člana 66. Zakona o visokom obrazovanju („Službene novine Kantona Sarajevo“, broj: 42/13 – Prečišćeni tekst i 13/15), ministar za obrazovanje, nauku i mlade Kantona Sarajevo donosi

**PRAVILNIK**  
**O STICANJU I KORIŠTENJU AKADEMSKIH TITULA, STRUČNIH I NAUČNIH**  
**ZVANJA NA VISOKOŠKOLSKIM USTANOVAMA**  
**NA PODRUČJU KANTONA SARAJEVO**

**Član 1.**  
**(Sadržaj)**

Ovim Pravilnikom reguliše se način sticanja i korištenja akademskih titula, stručnih i naučnih zvanja na visokoškolskim ustanovama na području Kantona Sarajevo.

**Član 2.**  
**(Sticanje prava na akademsku titulu i zvanje)**

- (1) Prvi, drugi i treći ciklus studija završava se uspješnim izvršavanjem svih obaveza utvrđenih studijskim programom.
- (2) Svaki ciklus studija ima utvrđen broj studijskih bodova (E)CTS čijim ostvarenjem se stiče određena akademska titula, stručno ili naučno zvanje.

**Član 3.**  
**(Prvi ciklus studija)**

- (1) Završetkom prvog ciklusa studija u trajanju od najmanje tri ili najviše četiri studijske godine, sa ostvarenih 180 odnosno 240 (E)CTS studijskih bodova, stiče se akademska titula, odnosno stručno zvanje Bakalaureat/Bachelor za određenu stručnu oblast, uz oznaku usmjerenja ukoliko postoji shodno nastavom planu i programu.
- (2) Za studij iz grupacije tehničkih nauka pored zvanja Bakalaureat/Bachelor dodaje se i titula inženjer za određenu stručnu oblast, uz oznaku usmjerenja ukoliko postoji shodno nastavom planu i programu.

**Član 4.**  
**(Drugi ciklus studija)**

- (1) Završetkom drugog ciklusa studija u trajanju od najmanje jednu ili najviše dvije studijske godine, sa ostvarenih 60 odnosno 120 (E)CTS studijskih bodova, što sa prvim ciklusom studija ukupno iznosi 300 (E)CTS studijskih bodova, stiče se akademska titula i zvanje magistar za određenu stručnu oblast, uz oznaku usmjerenja ukoliko postoji shodno nastavom planu i programu.



- (2) Za studij iz grupacije tehničkih nauka pored zvanja magistar dodaje se i titula diplomirani inženjer za određenu stručnu oblast, uz oznaku usmjerenja ukoliko postoji shodno nastavom planu i programu.

### **5. Član** **(Treći ciklus studija)**

Završetkom trećeg ciklusa studija u trajanju od tri studijske godine, sa ostvarenih 180 (E)CTS studijskih bodova stiče se akademska titula i naučno zvanje doktor nauka ili doktor umjetnosti sa naznakom naučne, odnosno umjetničke oblasti, uz oznaku usmjerenja ukoliko postoji shodno nastavom planu i programu.

### **Član 6.**

#### **(Studij medicine, stomatologije, farmacije, veterinarske medicine i zdravstva)**

- (1) Odredbe člana 3. i 4. ovog Pravilnika ne primjenjuju se za studij medicine, stomatologije, farmacije, veterine i zdravstva.
- (2) Za studij medicine, stomatologije, farmacije, veterine i zdravstva sticanje akademskih titula, naučnih i stručnih zvanja i njihovo korištenje regulisat će se posebnim pravilnikom.

### **Član 7.**

#### **(Javne isprave)**

Stečene akademske titule, stručna i naučna zvanja unose se u javne isprave koje izdaje visokoškolska ustanova kao što su: diploma, dodatak diplomi i uvjerenje o završenom ciklusu studija.

### **Član 8.**

#### **(Skraćenice)**

- (1) Skraćenice akademskih titula, stručnih i naučnih zvanja stavljaju se iza odnosno ispred imena i prezimena lica koje ga je steklo, na sljedeći način:
- a) za prvi ciklus studija: Bakalaureat/Bachelor - označava se sa „BA“ uz naznaku stručne oblasti i oznaku usmjerenja ukoliko postoji shodno nastavom planu i programu;
  - b) za prvi ciklus studija iz grupacije tehničkih nauka: Bakalaureat/Bachelor inženjer - označava se sa „BA ing.“ uz naznaku stručne oblasti i oznaku usmjerenja ukoliko postoji shodno nastavom planu i programu;
  - c) za drugi ciklus studija: Magistar – označava se sa „Mr“ uz naznaku stručne oblasti i oznaku usmjerenja ukoliko postoji shodno nastavom planu i programu;
  - d) za drugi ciklus studija iz grupacije tehničkih nauka: Magistar diplomirani inženjer – označava se sa „Mr.dipl.ing.“ uz naznaku stručne oblasti i oznaku usmjerenja ukoliko postoji shodno nastavom planu i programu;
  - e) za treći ciklus studija: Doktor nauka/umjetnosti – označava se sa „Dr.sci./Dr.art.“ uz naznaku naučne/umjetničke oblasti i oznaku usmjerenja ukoliko postoji shodno nastavom planu i programu.
- (2) Skraćenice zvanja za studij medicine, stomatologije, farmacije, veterine i zdravstva utvrdit će se u skladu sa članom 6. stav (2) ovog Pravilnika.



- (3) Akademska titula i stručno zvanje nakon završenog prvog ciklusa studija stavlja se iza imena i prezimena lica koje ga je steklo sa naznakom stručne oblasti i oznake usmjerenja ukoliko postoji shodno nastavom planu i programu.
- (4) Kada se kod drugog i trećeg ciklusa studija skraćena akademske titule, stručnog ili naučnog zvanja koristi sa naznakom stručne odnosno naučne oblasti i oznake usmjerenja ukoliko postoji shodno nastavom planu i programu stavlja se iza imena i prezimena lica koje ga je steklo.
- (5) Kada se kod drugog i trećeg ciklusa studija skraćena akademske titule, stručnog ili naučnog zvanja koristi bez naznake stručne odnosno naučne oblasti i oznake usmjerenja ukoliko postoji shodno nastavom planu i programu stavlja se ispred imena i prezimena lica koje ga je steklo.

#### Član 9.

##### (Spisak akademskih titula, naučnih i stručnih zvanja)

Akademske titule, naučna i stručna zvanja koja se mogu sticati na visokoškolskim ustanovama na području Kantona Sarajevo sadržane se u Spisku akademskih titula, stručnih i naučnih zvanja koja se mogu sticati na visokoškolskim ustanovama na području Kantona Sarajevo, koji je sastavni dio ovog Pravilnika.

#### Član 10.

##### (Ravnopravnost)

Terminološko korištenje muškog ili ženskog roda u ovom Pravilniku podrazumijeva uključivanje oba roda.

#### Član 11.

##### (Prestanak važenja)

Stupanjem na snagu ovog Pravilnika, prestaje da važi Pravilnik o korištenju akademskih titula i sticanju naučnih i stručnih zvanja na visokoškolskim ustanovama u Kantonu Sarajevo („Službene novine Kantona Sarajevo“, broj: 34/08).

#### Član 12.

##### (Stupanje na snagu)

Ovaj Pravilnik stupa na snagu danom donošenja i objavit će se u „Službenim novinama Kantona Sarajevo“.



MINISTAR

*Elvir*  
Prof. *Elvir Kazazović*

